

敕修兩浙海塘通志

勅修兩浙海塘通志卷十六

祠廟下

紹興府

山陰縣

任太尉祠

山陰縣志祀宋浙江捍江指揮使任班

慶元中浙江塘壞班率兵修築行泥淖中不惜勞
瘁當事嘉之嘉定中山陰餘姚大水漂民居五萬
餘家壞民田十萬餘頃山陰後海塘潰決五千餘
丈班修築請賑民賴以安及歿鄉人感德立祠一

在山陰後海塘一在餘姚臨山衛與潮神並祀

張大帝廟

山陰縣志去縣東北三十三里陡壘間

上祀宋漕運官張行六五者嘉靖十六年知府湯紹恩築三江閘以神有捍海滅倭功立廟新閘堤

上祀之

會稽縣志初廟在蕭山之長山今城鄉所建甚多在山陰江橋者最顯應因獨當南

門兩縣來水之衝爲郡城水口壅塞則多火災康熙十一年里中紳士更爲開闢

天妃廟

山陰縣志去縣西北十五里在城者四一

在府山後一在大營一在水溝營一在光相橋西

官建

會稽縣

湯太守祠

浙江通志

在開元寺內祀知府湯紹恩

毛奇齡循吏傳紹恩字汝承安岳人嘉靖五年進士十四年以郎中出知紹興府山陰東南有浦陽江爲三江之一上接金華浦江諸水北流至諸暨與東江合北過硤小東匯山陰之麻溪然後盡注錢清江而入於海是時浦陽已通浙第口隘浙常高水反入浦陽而灌麻溪其錢清之入海者勢若建瓴又傾漑不可止所以旣苦潦又苦暵紹恩至相浦陽上流恢前守戴琥所開績堰使浦陽之通浙者坦而易洩乃塞麻溪以遏其來不使浦陽之水得復入山陰東南於是相其尾閭凡在紹諸水濫則易浙漑則易竭者爲水坊海濱以伺諸瀉而定啟閉初錢清江下流原有二閘歲久堙廢紹恩相下流三江之口其地夾兩山爲浦陽入海故道下有石峽橫亘數十丈泗水得之乃伐石於山依祠廟下

峽建閘石牝牡相銜烹秣和炭以膠之石之數水
者剡其首使不得與水爭下有檻而上有樑施橫
坊其中刻平水之則於柱石間而啟閉之兩堤築
土冶鐵而澆其根凡二十八閘應二十八宿隄數
百丈而大閘之內又置備閘數重曰經淩曰撞塘
曰平水閘一年工成共得良田百萬畝魚鹽斤鹵
桑竹場囷亦不下八十萬畝初紹恩築隄潰有
豚魚千頭乘潮而上衆驚告紹恩曰此隄成之兆
也在易之中孚豚魚吉利涉大川立令入水築人
多怨讟又其時潮大至見者洶洶紹恩不顧禱於
海潮忽下望隄而却後明萬歷初建其生祠在三
以次遷去歷官布政使

江閘口明嘉靖中建

國朝雍正三年六月浙江巡撫法海以紹恩創築三江
閘有功紹郡題請封號

勅封寧江伯春秋致祭

按湯太守祠內附祭木姓龍其名者公之隸人
稱木皂云傳公建閘時工成輒毀衆束手無策
龍奮激自投閘底身死而鉅工成邑人德之設
像二一隸服待公旁一彩服坐閘上有司春秋
致祭必別設品物先祀之府縣志皆失載惟程
鶴翥三江閘務全書有木皂名又云即公夫頭
建角字頭洞即大顯靈異以助因設像於三江
城外西堰土穀祠及天妃宮二處是夫是隸姑

存俟考

蕭山縣

寧濟廟

蕭山縣志在西興鎮沙岸之東祀浙江潮

神宋政和三年賜今額六年高麗入貢使者將至而潮不應有司請禱潮即至詔封順應侯紹興十四年徽宗靈駕渡江加武濟忠應公三十年顯仁皇太后合祔加武濟忠應翊順公淳熙十五年高宗靈駕之行顯應尤異先數日太守侍郎張杓躬視漲沙沿御舟入浦處盡護以紅竹詰朝方集萬

夫迨潮落沙已蕩盡水去所立之竹纔尺許及虞
祭畢沙復漲塞莫不驚異於是詔加武濟忠應翊
順靈佑公慶元四年憲聖慈烈太皇太后歸祔永
思將渡江會大雨震電隨禱而止遂賜王爵是爲
孚佑王明初令有司常以八月十五日致祭視詞一氣
通侯百川孕靈勢傾山岳聲震雷霆素車白馬出
又杳冥實錢塘之壯觀固海若之憑陵時維八月
天高氣清某等躬率僚屬駿奔靡寧醺
酒臨江伐鼓以迎神其來格慰我凡誠

護堤侯廟

蕭山縣志

在長山之麓宋時建以祀漕

運官張行六五咸淳間賜額祈禱甚應尤有功於

海堤

今俗謂之長山廟又謂之張耒相公廟

春秋有司致祭後又建

別廟新林鋪之北謂之護堤侯行宮有司即祭於其所又沿山川橋閘要害之所皆有行宮民各私祀之

按王多吉集張氏先塋碑記云吳越王時刑部尚書張亮厥後一傳護堤侯十一稅院襲爲長山海神則前行六五者即指十一言也郡志云神諱夏宋景祐中浙江塘壞神時爲工部郎中受命護堤置捍江五指揮各率兵士四百人採

石修塘隨損隨築人賴以安郡人爲之立祠朝
廷嘉其功封寧夏侯又云山陰三江間有廟稱
英濟侯王不知何代所錫封號然本邑諸廟皆
稱英濟侯天啟時封靈應英濟侯

餘姚縣

永澤廟

餘姚縣志在儒學旁元州判官葉恒築海

堤民思其功請於朝廟祀之後廢邑人於開元鄉

龍王堂私祀其像

王至廟記至正二十有七年詔封故餘姚州判官葉恒爲仁功

侯賜廟額爲永澤侯字敬常四明人以國子高第釋褐官餘姚餘姚北際大海當潮水之衝齧者六

同朝下

十里有司役其民撻籠竹木而築土石以爲堤風
濤不可測或始成而即壞壞則內移以爲堤歲或
三四焉民之力日益罷財日益耗而並海之地日
益削矣侯至治視堤乃曰欲去此患非石堤不可
然爲費固鉅但併其數爲土堤之費則石堤可成
矣於是請計田出粟擇人以司之而侯則往來相
度苦心勞力而督治之越三年爲至元改元之歲
而堤始成常具其事請國子監丞陳公旅爲之記
以刻諸石矣是後侯入官翰林轉職太學卒於鹽
城縣今則去州已十年民皆欲建廟祀而未有卒
其事者越十五年而浙江分樞密院經歷鄭公珩
以分省命來督州事民以廟事告公公遂白諸分
省而率其民即州學之旁建屋四楹以祀侯又合
民之詞以請於朝故有廟額之命命下則鄭公已
去太守李公樞乃屬州人王至記其事繫以詩曰
海於兩間爲物最鉅洪濤奔衝土不能禦嗟葉
侯官此海瞰禦海以石紆民之憂維此宏功曠古
未有侯當廟食百世非久心乎斯民繼有其人民

爲報功廟食是勤煌煌封侯奕奕廟額昭我民情
自天寵錫民之報倭垂厥子孫斯廟斯祀與隄永
存

助海廟

餘姚縣志在治西北半里許莫詳何名傳

其有功海上祀之

斷塘廟

餘姚縣志祀桑神在治西北六十里蘭風

鄉斷塘村考桑神兄弟生於姚仕於唐戍神於古

虞羅巖絕頂顯靈於宋助濬黃河有功建炎間勅

封王侯先代立廟於石山奉祀甚盛蘭風地界海

陬潮數爲患明初推官周復築蘭塘以抵怒潮里

民邵百常等以塘逼海坍塌靡常非神鎮之難以
永固請徙顯順侯顯文侯文學侯黎陽郡王四神
祠於斷塘邱壠之上

上虞縣

石窟廟 萬歷上虞縣志亦祀桑神在羅巖山麓神
嘗助宋兵有功封郡王明張秋河決嘗顯陰靈助
築至今客江湖者遇險難呼號求救輒護持有訴
禱其應若響

天妃宮

萬歷上虞縣志去縣二十里

竺浩九神廟

萬歷上虞縣志在牛步傳爲潮神其

子姓及鄉人祀之

張神廟

萬歷上虞縣志在縣南塔嶺上

伍子胥廟

萬歷上虞縣志在山川壇前

嵯縣

靈濟侯祠

嵯縣志在縣東門外百數十步神姓陳

諱賢故有祠在浦橋明洪武十七年增建於邑之

南門成化二年知縣李春重二十三年縣丞齊倫

拓大之嘉靖二十三年詔春秋崇祀三十四年知

縣吳三畏從今所萬歷十五年知縣萬民紀更拓

之雍正十二年知縣傅珏重修宋淳祐十二年勅巨浸所稽視無端

倪洵涌瀕洞窮東極西於是而能洄欲狂瀾迄無吞嚙非神之功豈人之力式俾侯爵聊慰輿情特

封為善應侯宋寶祐元年勅兩浙洪水為患尤深

幸錢塘潮神靈濟侯大顯神通逆風退浪不壞民

居不傷民命祠宇臨江水波不入歲衛近郡亦賴

保全是用重褒封號旌異靈聰宜改靈濟侯為善

應侯載諸祀典俞浙靈濟侯祠記刻之蒲橋有神

曰陳侯諱賢者生千軌道戊子歿於紹定庚寅既

沒禦災捍患所在響答侯生能為神不問晝夜遇

假寐輒神遊江海間拯護舟楫嘉定庚辰潮怒齧

堤手一竹植沙塗上誓之曰神有靈無使潮越吾

竹以爲神蓋潮至望竹伊邐即勢伏逆遷折而東

行未幾西岸擁沙成阜畚鍤就緒而長堤屹若山

繞矣一日神之鄉人趙公炎來道侯之孫某將

築亭墓上奉祀事求文爲記吾少時舟行浙江中
流浪涌篙公仰天呼侯數四浪輒平舟獲善濟善
時常有祈禱之語久未克償遂爲記之趙由喬請
褒封疏浙省錢塘江逼近杭城潮汛洶涌最爲險
急上年秋汛大潮一日兩至衝刷日甚危險堪虞
束手惶惶計無所出查康熙三十八年八月紹興
府嵊縣詳稱浙省錢塘江乃萬艘輻輳之會實諸
道衝要之津怒浪狂濤不時發作早潮晚汐一日
雙馳捲長堤而碎裂排高岸以傾頽沃壤良田半
隨雲浪朱門白屋盡逐銀濤誠所謂威激雷霆勢
亘山嶽者也按惟宋進士陳賢者嵊邑奇人浙東
間氣生具神通力拯陷溺每潮神之有祭魂輒與
其馨香凡牲醴之所歆寤即見諸哇吐植竹誓禱
力成西岸沙堤假寐神遊躬護中流覆楫厥後淳
祐之歲障川迴瀾寶祐之元逆風殺水爰是廷臣
表異宋室褒封由太尉而進靈濟恒膺爵秩之榮
轉善應而加協惠頻易公侯之等夫何元明代往
數百年來久虛誥勅之頒僅享春秋之祀然而神

威毅魄歷久常新每當濟楫揚帆颶驅蓬裂惟搶呼之一聲賴神明之立應宜沿江以爲司命而嗾民尊稱太公者也恭遇

聖治休明

皇恩廣被及河喬嶽旣懷柔乎百神崇德報勲更優渥乎萬古伏祈俯順輿情詳請題封臣查江神陳賢屢著靈異舊膺封祀似非荒誕無稽隨即齋戒三日虔設牲醴自撰祝文備告以

聖天子德隆功盛海晏河清神果有知安瀾效順爲朝廷保障生靈自當題請褒封以答神庥因率司道等親

赴江干祭告齊心默禱祭畢而潮已至風狂浪激如排山擁陣而來觀者如者踉蹌奔避乃潮距祭所百餘丈即止如有阻遏之者此康熙四十一年九月十三日事也杭城大小屬員併築塘員役近塘居民無不目擊嗣後每日潮汐俱不逼塘得以及時施功是皆我

皇上愛育萬民懷柔百神之德化所致而江神効靈有呼即應其功似難泯沒臣彼時即擬題請緣一時恐

宸聽旋蒙出偶然未敢遽請

聖恩

轉撫湖南至本年二月趨迎
駕見浙來諸臣僉云塘外頓起沙洲數里江濤離岸其

遠可保無虞是江神既鑒臣一日之誠而不負臣
則臣何敢自渝前日之約而重負江神身雖離浙
言猶在耳不得不瀆陳於

君父之前倘蒙

皇上俯念浙省江塘關係民生不以臣言為荒謬伏祈
勅下部議將錢塘江神陳賢援例給封則波臣水吏常邀

萬世殊榮而報功崇
德共仰千秋曠典矣

寧波府

鄞縣

海神廟

延祐四明志在東渡門裏舊浙江通志相

傳神姓羅名清宗好修黃白飛昇之術職統海中
諸龍王祈雨輒應

遺德廟

嘉靖寧波府志縣西南五十里俗稱它山

廟唐太和中鄮令王元暉築堰捍江引他山水入
小江湖灌溉甚溥民德而祠之奏封善政侯宋咸
平四年重修乾道四年賜今額縣令楊布書郡守

張津立

蘇爲重修善政侯祠堂記鄞郡王公元暉

之後躬行阜俗之化以勤儉誠游惰以誠懇崇孝
慈貪夫歛手於袖間暴客屏迹於境外能使婚嫁
有序憚獨有依他民愁歎我則民懷乎燕樂他民
周察我則民豐年衣食詩所謂豈弟君子民之父

母者歟先是厥土連江厥田宜稻每風濤作冷或水旱成災採石於山爲隄爲防迴流於川以灌以溉通乎潤下之澤建乎不拔之基能於歲時大獲民利非所謂法施於人者乎能禦大災者乎太博王君嚮侯之德聲謁其祠庭門榛砌蕪暴露尤甚乃歎曰將何勸乎我將新之吏忻民歡風動草偃擇木揆日經之營之於是遷祠之基於堰之上使泛舟者賴其德力農者懷其恩遺愛之道載彰嚴祭之禮斯備在江之許佑我蒸民庶使享斯廟者知仁政之可尚也俾旌如在無愧直書

顯德廟

嘉靖寧波府志縣北三里桃花渡北神姓

姚名器凡海艘遇颶者有禱輒應故稱顯德之神元大德間都漕運萬戶盧榮感神效靈運道捐址建祠久圯明成化乙酉盧瑋大加修葺郎中洪常

有記

靈應廟

嘉靖寧波府志縣南二里許畫錦橋北舊

名永泰王廟祀晉鮑蓋自宋以來屢封爲忠嘉神

聖惠濟廣靈英烈王歲久廟圯正統間知府鄭珞

復徹新之

尚書胡濙碑畧王鮑氏世居會稽之鮑郎山至王父去隱鄮之青山母晝寢夢

吞日而孕凡三歲當晉太始三年九月十五日王乃生有神光耀室之異遂名曰圓照後更名蓋建興四年七月十五日醉終於家葬鹿山之原邦人因立廟鹿山塑王像併二夫人及王子歲奉祠之梁大通間加封永泰侯唐神功元年縣令柳惠古請以甬東水村楊給事舊宅更置王祠聖歷中始立今廟宋崇寧中尚書豐稷奏祀哲宗陵名改廟額曰靈應政和八年詔封惠濟宣和三年加封威

烈宣和六年侍郎路允迪奉使高麗
行平陸奏加封忠嘉建炎四年高宗航海正陰護
之風濤不作帝乃御書加封廣靈紹定間丞相決
彌遠作新其廟端平三年太傅越國公鄭清之奏
改威烈為神聖嘉熙元年資政殿大學士沿海制
置使趙善湘奏加忠嘉神聖威烈惠濟廣靈王元
武宗至大三年六月詔重建廟宇順帝至正二十
年中原梗塞由海道漕運萬戶倪可久奏言藉王
陰庇扶護糧艘風波不興舟人無恐竟抵直沽以
濟國用請加封忠嘉神聖惠濟廣靈英烈王廟額
存見

靈慈廟

嘉靖寧波府志即天妃宮在縣東二里東

渡門外宋紹興二年建元延祐元年封護國庇民
廣濟明著天妃至正末燬洪武三年中山侯湯和

重建天順五年知府陸阜命主奉沈祐修葺及創
寢宇程端學爲之記謂沈自紹興以來世奉祠云
別廟一在縣東八十里大嵩所亦名天妃宮

慈谿縣

靈應廟

慈谿縣志縣東北一里祀晉鮑王蓋明嘉

靖三十五年燬三十七年重建

國朝康熙八年重修

洋山殿

慈谿縣志縣西北四十里古窰關西祀海

神慈餘鎮三縣民虔奉之

湖頭廟

慈谿縣志縣西北五十里鳴鶴場祀海神

鎮海縣

龍神廟

浙江通志在縣東鎮遠門外十里海山洞

口

國朝雍正五年

勅封涵元昭泰鎮海龍神發帑銀二千五百兩創建祠宇

八年知縣張珽督建

李衛蛟門龍神廟碑記寧波為浙東首郡其屬鎮海距海

十里山曰蛟門巉巖聳峙環鎖海口潮汐吞吐波濤掀涌最稱險要傳其下為老龍窟宅興雲雨以潤澤生民著靈異以捍禦災患父老歷歷能道之鎮海士庶屢荷庇蔭思欲仰邀

祠廟下

聖恩錫之

封號彰厥績

以垂不朽

余按龍神之績顯於前

代者不具述惟我

本朝

順治八年

大師征討舟山戰艦出蛟門風浪恬息

逮至螺頭門忽雲霧蔽空使逆不及備遂破降之

其餘孽蟠踞海島每乘風犯境龍輒波騰浪激俾

不得前以致卒就殲滅是我師克復舟山海疆肅

清龍實與有功也雍正二年秋颶風暴發海潮奔

溢浸灌鎮民自分魚鼈矣既而潮忽漸退居民登

候濤山望見龍身橫截海中潮因之不能入是時

沿海多被漂溺而鎮獨安堵無恙是又為龍神捍

禦保障之功也用允鎮民之額請於

朝堂

恩勅封

涵元昭泰鎮海龍神旋發帑金卜邑鎮遠門之東

立廟崇祀翬飛跂翼美輪奐焉復於郡屬山川若

雁潭烏沙鰓井桃花釣巖箬雷陳山灌門羸嶼李

家堰天井峰北雪諸龍神施惠於民者配位兩廡

以廣

聖恩

以得享祀勿替夫向者望洋以祭疎而不親今則廟

恩

寵優

貌崇嚴得所憑依且沐封號

渥龍神之效靈以維護斯土者宜益力寧直風雨

恩

寵若是

以時年書大有而已哉廟之作鳩工於雍正八年四月落成於九年三月郡守曹秉仁來乞余文紀諸石因識其歲月俾後人無忘初始且以知聖主之念切民依苟有利於民社雖僻處海隅而皆不遺

知所觀感也夫

助海顯應侯廟

延祐四明志在縣西五里侯姓孔

象山童翁浦人行第七性剛烈死於海有劉贊者

夢侯曰上帝錄我善命爲境神已籍水府吾屍泛

於沙浦君能收葬初數楹俾有棲托必爲民利贊

訪問果如夢即所居奠而祠之錢氏有吳越乃立

廟宋高宗幸海道賜額顯應嘉靖寧波府志在縣

西孝門巷

治水判官黃公祠 嘉靖定海縣志在縣西北靈緒

鄉武功村祀宋浙東轉運司判官黃恕宋元祐九年勅朕惟

紹休聖緒必資靖恪之臣翼勵世風尤貴忠貞之節疇咨浙東轉運司判官黃恕賢勞王事不避險

巖目擊時艱甘心殉國憫利器於盤根抱志墊淵浮屍獻異旋除水患永利

農民今特贈爾為江東宣撫司判官聽民立祠表勞民祀慎茲尚期後庇

鄭清之黃公祠記慶元之屬縣曰定海者東濱滄溟世苦潮患治北走二舍則莊北村之新土塘也

稍北則武功村之和尚塘也界中有流淖淤蕩深莫測其底南北相距百餘丈延袤數里橫亘阡陌

之間前哲若制帥陳君覃
列石鰲之比將成水從下
時或靜夜有聲如鼓翌日
洶入桑田殫爲斥鹵歲或
神之望洋蹙額束手浩歎
兼沿海制置使章君大淳
舉乃共以狀控之時公領
章君遂屬以厥事公慨然
露處野宿躬荷鍤督役運
集垂成而復決者屢焉每
沸役再越朔弗就乃廣募
稱從武夷來排衆直前謁
無風而濤變態不常淺深
以生人彼畏陽而縮功可
曰修此以爲民也殺人以求
我身耳厥明齋沐具少牢以
頃其下復有聲衆駭懼擾
之諗於衆曰吾死於此若

司月

下

令唐君叔翰俱常聚土
涌汎溢無際功篋攸指
必大決海潮外應揚濟
十餘決邇年尤數衆共
而已值太府卿知府事
蒞職大濬湖渠百廢具
轉運判官素以廉幹聞
任之即日單騎詣其所
土石衆亦猛奮兩涯蟻
決必先期有聲水涌如
良策有術士衣麻衣自
公曰是地也無物而聲
莫紀龍罔象所蟄也投
立奏公色忿然瞋目視
求成功何心哉必爾捐
以奠再拜爲民請命少
亂旁有峻崖公策馬臨
輩奮力語未究崖崩如

雷公併馬溺馬衆號辨聲震原野已而波濤恬然
乃如公命投土不復淖決三日封土與兩塘連接
比且具祭告成忽塘右數十步外水起如注衆方
懼復決俄涌公屍出據鞍攬轡顏色忻然如生民
爭出資具衣冠歛焉時淳祐戊申夏四月八日也
公舍人欲歸其柩聞臨安兵據未果民攀輿泣曰
我公祛百世之害當享百世之報願乞衣冠葬而
祠之且請於章君以聞於朝勅進秩宣撫判官表
其墓聽民立廟祀之民捐產競赴三旬廟成章君
扁其門曰勅賜治水判官黃公永利之祠因命鄉
老歲時敬祀如儀公諱恕字文揆別號東浦襄人
也應嘉定癸未制舉歷官簿丞令長所至以仁斷
稱歲淳祐丙午來領右職委身王事余少時旅循
北海欲涉患所淤淖弗克今閱中書得公績簡忤
嘉久之旣而章君又爲
狀來請遂爲之記云

靜波廟

成化四明郡志

一名薛將軍廟在縣西世

傳唐將薛仁貴征遼道經於此撫安人民後鄉人
立行祠焉嘉靖定海縣志縣西富德街裔孫淮東
安撫使居實重修宋高宗航海賜額靜波

惠應廟

嘉靖定海縣志縣東昌國城內世傳廟神

茹侯本邑人今茹侯村其所居也生有殊異歿而
人祀之建炎四年宋高宗航海賜額迄今民崇祀
焉

覺海威顯侯廟

嘉靖寧波府志縣南十里崇邱鄉

舊稱山仙廟宋高宗航海賜今額開禧二年令商

逸卿修建新閣爲之記

昭利廟 嘉靖定海縣志縣東北五里宋宣和五年
侍郎路允迪給事傅墨卿出使高麗涉海有禱因
而建廟燬紹興五年重建

忠應侯廟

嘉靖定海縣志縣南十五里陳山下祀

海神舊稱陳相公廟宋建炎中高宗航海賜封

晏公廟

嘉靖定海縣志在縣南半里祀海神又一

在縣西舊水關內

龍王祠

嘉靖定海縣志舊縣南城外祀東海龍神

嘉靖四十一年海道宋守志都督盧鏜知縣何愈
改建威遠城內更名海神祠

海角廟

嘉靖寧波府志在縣治西又一在縣南二

十里小浹港嶺上俱祠海神

靖海營祠

嘉靖定海縣志在東北城外一里舊名

海神壇正德十四年改祭江亭嘉靖三十八年鎮
守都督盧鏜展營堡環二百四十丈增建舍宇六
十餘楹爲海口屯戍祈祀海神之所因名靖海營
祠

象山縣

普濟廟

嘉靖浙江通志祀龍神宋南渡初賜額曰

靈濟明改賜今額

蔣景高普濟廟記象山踞海而邑去縣東南三十五里山勢垂

盡入大海中抑而復昂島嶼角立山之下巖竇空洞中垂石柱如鋸龍湫宅其內潮汐衝撞旦夕不息惟暮春之三日水退人可遊焉石乳巖花繽紛欲墜蓋龍之所居云歲旱禱祈即應故立廟以祀之廟在東山之隈赤巖之陽宋熙寧間縣令黃顏為記及高宗南渡舟幸海道風濤震驚神之功曹柳氏昆弟三人顯忠效靈以濟艱危由是賜靈濟廟額元之季年屋久而圯宏治癸丑冬主簿孫德仁經始謀度縣丞賈行簡典史張克已從而贊襄爰出稍廩以先士民甲寅孟夏新廟告成

姜毛廟

象山縣志縣南中市二神姜姓毛姓古稱

為唐進士棄官隱此施藥濟人卒而有靈乃立廟
祀焉神多著靈異至今渡海者或值風濤號神望
救每獲濟無恙

定海縣

天妃聖母祠

定海縣志在治南岑港輿明萬歷間

建

屠隆天妃聖母祠記州治南去里許阻山下即
南關津渡處山之陽天妃聖母宅焉額垣敗宇

焚修久廢登覽者凄然夫東南恃舟師以寧舟師

恃神床以濟厥靈弗妥當事者之過已萬歷辛巳

參戎袁侯來守是邦登山謁聖母祠顧而歎曰澤

國洪濟實式憑之我軍民所共乞靈者其屑越之

也輒捐俸如千聚材鳩工塗堊完整洪流匯前蓉

峰環錯朝曦夕暉頓成勝覽於是人具瞻而神庥

普矣甲辰
春仲告成

台州府

臨安縣

晏公廟

台州府志在觀橋東北

黃巖縣

岱石廟

萬歷黃巖縣志在縣西一十七里舊志南

宋永祐景平中建世傳神家婺州好遊觀至岱石
山而死是夕大雨震電山土剝落巨石屹立高百
餘丈聳如人形里人以神顯異於此奏得王封又

傳神與錢塘江神競分其潮三分今廟北港潮生則怒濤驚浪高可五六尺頗類錢塘因名斷江

福祐廟

萬歷黃巖縣志在縣治西北神號王總帥

即唐尚書右丞王維也元和三年婺源令陳英夫奉神香火道經永寧縣值江溢舟覆賴神拯救得全英夫遂籍於茲塑神像立廟祀之元至正間本州王仲祥以樞密院都事運糧赴京海道遇颶風危甚仲祥號於神獲濟具奏勅封護國忠烈顯應侯明嘉靖壬子燬於倭士民遂於舊址建廟

及翊贊玄功唐室忠英二門凡災疫水旱有禱輒應

太平縣

聖妃宮

太平縣志在新河城內

溫州府

永嘉縣

橫山周公廟

萬歷永嘉縣志在廣惠坊洪武初詔

定廟號歲二月朔致祭

宋濂橫山周公廟碑神諱凱字公武姓周氏世居臨

海郡之橫陽生而奇偉身長八尺餘髮垂至地善擊劍能左右射博聞而強記家貧耕以養父母及

司馬氏平吳與陸機兄弟入洛張華薦之神知晉
室將亂獨辭不就而臨海屬邑曰永寧曰安固曰
橫陽地皆瀕海海水沸騰蛇龍雜居之民懼其毒
神還自洛乃白於邑長隨其地形鑿壅塞而疏之
遂使三江東注於海水性既順其土作乂永康中
三江逆流颶風挾怒潮爲孽邑將陸沉民咸懼爲
魚神奮然曰吾將以身平之即援弓發矢大臂衝
潮而入水忽裂開電光中見神乘白龍東去但聞
海門有聲如雷而神莫知所在矣俄而水勢平江
禍乃絕邑長思其功號其里曰平水且建祠尸祝
之初在城之西郊及更永寧曰永嘉郡郭璞相土
遷之於西洋遐邇靈者無虛日神功益用赫著
陳至德間閩寇章大寶侵分水嶺其氣勢張甚民
爭逃遁神見天兵于雲間戈甲耀日盜驚而潰唐
武德中輔公柘爲亂其黨入寇民依華蓋山築城
而拒守之時當嚴冬神降大雨雹寇弗敢近城因
得不陷天寶中河決澶州怒暴不可制神見黃旗
驚濤間河復故道光化先天台饑神化形爲商以

宋貸人已而投符於江變爲赤龍騎而升天宋景德初契丹同其母蕭氏南侵丞相寇準殿前指揮使高瓊奉真宗親征車駕過河幸北城天際見力士數萬旌旗上彷彿有平水王字虜懼請盟而退大中祥符初詔營玉清昭應宮取材於溫之樂成使者以重山不可致走禱於神忽風霆凌厲龍秋震蕩巨石皆起立大木斯拔蔽江流而下神之靈異或見諸記載或相傳於父老之口如此者蓋不一而足今則粗舉其概而已神初封於唐爲平水顯應公尋陞王爵賜袞冕赤舄宋累加通天護國仁濟之號從祀郊壇兼賜仁濟爲廟額元復加以威惠晉號太和聖帝遂易廟爲宮迨入國初壹以誠事神以爲數加溢美之辭非所以敬恭明神詔禮官定儀爲橫山周公之神仍命守上臣歲修祀事至於廟宇之建修皆郡守任其責可考見者自陳毛喜迨元左蒼納失里凡一十三人云秦王府紀善林君溫徵濂文勒諸石濂旣爲序其事復作歌一篇使邦人歌以祀神其佐神張鉉字子元

郡人宋右科進士忠簡公關之族孫仕至閩門宣
贊舍人剛烈正直嘗上疏言事忤史嵩之被斥而
歿既歿而顯靈太守吳泳因并祀之元封協惠侯
進正肅英烈王法當附書歌曰東甌之地大海濱
只斥鹵噴蝕成荒堙只有時魚龍或怒噴只蹴翻
鉅浪高嶙峋只懷襄勢殷莽無垠只惟神我憫眉
屢顰只帥衆疏鑿不憚勤只夜役陰兵直達晨只
三江順流若拖紳只盡化魚鼈爲衣巾只一旦颶
母號秋旻只江流逆上波插雲只城廬沉溺在後
巡只神知事急如救焚只彎弓注矢肯顧身只眼
不見水惟見民只衝濤直入勇絕倫只海水壁立
左右分只赤電飛射光相燦只神乘白龍赴海門
只號號似聽驚雷奔只水禍頓弭神真欣只有室
可居田可耘只僉言曷以酬大勲只有廟肇祀西
洋漬只漸周吳越泊七閩只神功彌甚海宇聞只
矢兵建隊向空陳只旌旗上著鳥篆文只敵氣訾
盡去解屯只况茲狗鼠視欲吞只河道遄復流云
云只投杵化龍靈蹟存只疏封直至帝王尊只冕

旒袞衣佩瑞璘只神之正氣塞乾坤只下上日月
摩星辰只元化沕穆合神人只甌民戴神忱且恂
只遐邇奔湊川之臻只如見靈旗降續紛只牲牷
肥腍酒苾芬只駟斥厲鬼黍稷蕃只太史造文勒
堅珉只後千百
載期無誼只
正德間增建兩廡嘉靖乙卯正殿

圯次年鼎建并新廟門兩廡及佐神孚德廟邑人
王佺有記歲久復圯萬歷二年里人重建門廡溫

州府志

國朝康熙丁未年重建

海壇平水王廟

溫州府志亦祀橫山周公在海壇

嶺側

海神廟

溫州府志在海壇山麓唐咸通二年建宋

元祐五年守范岫夢神自言姓李唐武宗時宰相
以事南遷而歿今在城東北隅叢薄中范寤疑爲
衛公德裕作新廟貌上其事崇寧元年賜額善濟
封侯爵

龜山廟

溫州府志祀惠民周侯在德政鄉張興即

三港廟竹浦羅浮諸處多有之

天妃宮

溫州府志在城內八字橋

晏公行祠

溫州府志在城內北市街西

樂清縣

天妃宮

溫州府志在盤石巖頭順治三年大兵次

盤石不得渡禱於神乃縛筏以濟總統范紹祖因
新其廟

忠烈侯廟

樂清縣志在館頭神曰田居邵唐乾符

間王郢之亂詔十道兵討之神奉命以行力戰而
死邦人爲立祠觀察使表其事大順二年贈右驍
衛將軍宋皇祐四年新其廟曰忠烈海濱舟楫往
來風濤起滅皆神是司祀事甚虔明洪武初禮官

委稱歲以五月二十日致祭

平水王廟

隆慶樂清縣志祀橫山周公一在界嶼

一在林家畧

惠民廟

隆慶樂清縣志在東安橋俗名三港廟

瑞安縣

惠民廟

溫州府志在嘉興鄉三港即郡三港廟也

神陳氏逸其名唐時人世居瑞邑之洪口宅旁有大竹母令取竹陳兩指握之皆破今有破竹林及長行舟於海當歲除尚在南閩同舟者思家陳令

但各閉目來日可到衆惟聞舟裏林木有聲達旦
已抵其鄉矣旣歿鄉人商海值暴風舟幾覆忽帆
檣間有聲言其姓氏及濟還立祠於三港宋宣和
方臘犯境神顯異寇不敢入民賴以安邑令王濟
上其事封護國惠民侯進福善王元至正間加莊
濟洪武間海艘數十捕魚至晚颶風大作巨浪排
山檣摧柁折衆號救於神俄見桅木火光奕然風
浪頓息遂克濟嘉靖瑞安縣志後以三港地遠不
便祈禱故於西門外崑山下及月井九里安祿巖

鳳林中埭俱建行祠以其每著靈異於海上故沿海之民事之惟謹

廣濟廟

嘉靖瑞安縣志

一在永豐橋上一在城東

門內

曹睿廣濟廟記神姓林氏名三益字友直生

宋熙寧戊申

五月初四日幼時岐嶷長而聰

明沈毅勇摯才器過人遇鄉里有不平事直詞剖

決聞者靡不信服崇寧間閩人吳必大素勝職貢

方物及崑陽白沙民陳先轉粟於海遇賊艘引避

峴江賊順流而下將乘使寇城邑吏民驚駭莫知

所措神踊躍奮呼于衆曰今狂寇兇逆敢奪上供

之物且虐及吾土不殄此寇何以生為乃歸白其

母仗劍率猛士張伯殷沈大有駕船往擊之神中

流矢不顧與之搏戰數合殪厥渠魁餘黨敗溺其

義皆出於天性益如此嘗憩永豐橋亭面發赤汗

流浹背人問其故乃曰吾方在海中捍船舶勞甚

數日後裕城舶商踵門以謝之人益信其神一日
忽語人曰可於許右丞閣上取團花錦袍白玉帶
及皂帽來翌日吾其逝矣及期沐浴更衣端拱而
化鄉人異之告於長吏具實蹟上聞立廟於東郭
豐湖之南凡水旱疾疫隨禱輒應咸淳初封廣濟
侯宋革命後至元丁丑隣寇剽掠勢張甚俄而神
威效靈有大旗現於雲端居民鼓勇力戰賊黨震
讙奔命邑賴以寧至大戊申朔方流民假道入閩
癘氣傳染死者相枕籍鄉人憂懼禱於神獨吾邑
獲免疾疫未幾海寇近境同知州事張成謁款祠
下而賊鋒卒不敢犯後州倅李愷漕運出海遇風
濤惡甚愴惶呼號舟人仰瞻檣末神火焜耀遂得
善達朝廷聞之乃錫封昭惠廣濟公癸卯冬有虎
入市搏人衆莫敢近頃間至廟側乃帖服受擒人
以爲神力所拘云知州趙榮祖以其事聞特封忠
武孚祐昭惠廣濟王由是靈異益彰邑人奉之如
考妣歲時致祭刑牲醴酒列廷下廟貌嚴肅過者
下馬焉廟久舊記殘缺余方歸自吳中項通甫等

來以是請姑述其顛末刻於石以貽後人俾其久永不忘

天妃行祠

溫州府志在西南隅峴山一在清泉鄉

東山

晏公行祠

溫州府志在城內東北隅一在崇泰鄉

龜山

平陽縣

平浪廟

隆慶平陽縣志在抗雲橋神晏氏

聖妃廟

隆慶平陽縣志在嶺門至正間知州周嗣

德建洪武七年改今額宏治三年丞李選率鄉人

卷之三



勅修兩浙海塘通志卷十七

兵制

海塘修築向役民夫工程既非素習又或東作方殷鳩集非易雍正八年設兵二百名以備隨時工作至九年

特設海防兵備道經理六郡塘務增兵八百名統以守備千把平時則往來巡察遇有興修一呼羣集工有專責搶築亦不致後時矣至關隘逼處海塘設兵初意原有防護海濱私運米鹽之責義應及之志

兵制附志關隘

雍正八年准浙江總督李衛之請設立海塘經制

千總一員經制把總一員有馬戰兵六名內設外

委把總二名外委百總二名無馬戰兵十四名守

兵一百八十名並聽杭嘉湖道海防同知管轄

疏曰

寧邑塘工向從鄉民催覓來則一時烏合去則四散歸農既非熟嫻做工之人更當民間蠶農兩忙或值昏暮風雨巨潮猝至鄉夫催募不前耽延時日均足貽誤緊工又如沿塘看守不過總甲地保安能晝夜在於海濱瞭望巡查請做照河營兵丁之例設海塘千把總二員兵二百名分於東西兩塘常川做工看守於現在各夫內挑選補入兵額內馬戰兵六名步戰兵十四名守兵一百八十名

千總給以馬一守四把總給以馬一守三養膳隨
丁外委把總二名百總二名各給以馬戰餉一分
管隊四名頭目十名各給以步戰餉一分其餘皆
是守糧仍聽道廳管轄附入杭協水師營制造報
題銷冬月如有閒時亦可操練防護海濱私運米
鹽等類三年之內勤勞無過千總加以署守備職
銜把總加以千總職銜以示鼓勵如有事故即于
本營把總外委隊目下以次揀選頂補其官兵俸
餉銀兩仍於本項歲修海塘銀內支給
給所需米石在於額征地丁內支給
十一年四月

准內大臣海望直隸總督李衛之請添設海防兵
備副使道一員同知一員守備二員經制千總三
員經制把總六員有馬戰兵五千四名內設外委
千總六員外委把總六員無馬戰兵一千四十六

名守兵六十名其原設添設海防同知俱令分管塘工兼轄兵役添設守備分左右兩營將原設添設之千總四員把總八員外委千把總十六員兵一千名分隸兩營管轄其一千名內左營駐劄海寧縣之東右營駐劄海寧縣之西屬海防兵備道統轄海防同知兼轄海防兵備道駐劄海寧縣城內同知三員除海鹽乍浦同知照舊駐劄外將原設同知一員駐劄海寧縣添設同知一員駐劄仁邑左營守備駐劄海寧縣之東右營守備駐劄海寧

縣之西千把總等官各照緊要地方分段汛防兵丁俱於附近海塘處所設立堡房均派居住每千總一員給營房八間把總一員給營房六間外委給營房三間兵丁二名合給營房三間再於仁寧一帶建造堡房四十間海鹽乍浦建造堡房二十間兵丁除原設二百名外其新設八百名召募充補十二年八月總理海塘副都統隆昇題請將添設海防通判一員駐劄河莊山再於海塘左右兩營內撥外委千總一員帶馬兵四名步兵二十名

前往駐防以供疏濬聽該通判約束差遣次年三月浙閩總督郝玉麟又請酌撥海塘兵四百名挑濬引河嗣於乾隆元年四月經大學士嵇曾筠請停疏濬引河將調撥開挖引河塘兵四百名撤回乾隆十三年九月巡撫方觀承以南塘各工並未設有品員今北塘現在穩固江海大溜有日趨於南之勢請分派員弁兵丁駐宿其地左營之念里亭右營之八仙石章家菴觀音堂靖海五汛員弁兵丁全行撤撥南塘設立專汛五處按汛分防計

千總二員把總三員外委六名馬步戰守兵五百
名右營守備一員移駐管轄其北塘各汛除調撥
外尚餘外委把總一名歸入尖山汛內管轄又餘
各汛馬步兵五名歸入鎮海汛內管轄又餘無馬
戰兵五名守兵一十名歸入平湖汛內操防工作
翁家埠汛內派撥外委一名帶兵一十五名分駐
河莊葛輿蜀山一帶巡視中小壘水勢情形五日
一次摺報查核北塘八仙石章家舊三汛工程歸
於翁家埠管理觀音堂汛工程歸於老鹽倉汛管

理靖海汛工程歸於鎮海汛管理念里亭汛工程
歸於尖山汛管理右營守備所管北塘柴石工程
統歸左營管轄右營守備向駐北塘一應支領錢
糧俱用左營關防今既移駐南塘專司防護請飭
部另鑄右營守備關防以重職守又以南塘江海
各工向係山會等縣經管由布政司衙門詳核今
既調撥海防道標營弁防守不可無品管之廳員
請即將紹興府水利通判關防添入海防字樣其
南岬一應工程令該倅會同營備查報由道轉詳

現在遵行

分防汛地

八仙石汛 自省城慶春門外接塘頭起至宣家埠止計程二十六里半係土塘長二千六百六十八丈五尺駐劄把總一員外委千總一員有馬戰兵六名無馬戰兵一十三名守兵六十三名乾隆十三年移駐南塘所轄工程歸翁家埠汛經管

章家菴汛 自宣家埠起至潮神廟止計程二十一里內土塘長二千五十九丈柴塘長六百七十四

丈共長二千七百三十三丈又土備塘長六百六十六丈駐劄千總一員外委千總一員有馬戰兵六名無馬戰兵一十三名守兵六十三名乾隆十三年移駐南塘所轄工程歸翁家埠汛經管

翁家埠汛 自潮神廟起至華家街止計程一十四里半內仁邑柴塘長七百四十九丈五尺寧邑柴塘長九百七十五丈共長一千七百二十四丈五尺又仁邑土備塘長八百五丈寧邑土備塘長一千七十八丈四尺駐劄把總一員外委把總二員

有馬戰兵八名無馬戰兵二十名守兵一百名乾隆十三年分調外委祀總一名守兵一十五名駐劄河莊山巡視中小壘水營

右營守備駐劄於此後乾隆十三年移駐南塘

觀音堂汛 自華家衙起至西武廟止計程一十里係柴塘長一千二百五丈又土備塘長一千二百六十九丈駐劄把總一員外委千總一員有馬戰兵四名無馬戰兵一十三名守兵六十二名乾隆十三年移駐南塘所轄工程歸老鹽倉汛經營

老鹽倉汛 自西武廟起由老鹽倉至戴家石橋止
計程一十四里內柴塘長六百二十五丈石塘長
一千三百四十六丈七尺共長一千九百七十一
丈七尺又土備塘長一千七百二十三丈駐劄千
總一員外委把總一員有馬戰兵五名無馬戰兵
一十四名守兵七十名

以上自八仙石接塘頭起至老鹽倉止土塘柴
塘地方係杭州府海防水利通判管轄

靖海汛 自戴家石橋起至海寧縣南門止計程一

十四里係石塘長一千九百七十五丈二尺一寸
又土備塘長一千七百四十丈駐劄把總一員外
委把總二員有馬戰兵四名無馬戰兵一十一名
守兵五十六名乾隆十三年移駐南塘所轄工程
歸鎮海汛經管

以上六汛係海防右營守備汛地乾隆十三年
右營移駐南塘所轄汛地統歸左營經管

鎮海汛 自海寧縣南門起由九里橋至念里亭止
計程二十四里係石塘長三千四百九十一丈五

尺又土備塘長三千三百六十六丈九尺駐劄把
總一員外委千把總二員有馬戰兵一十名無馬
戰兵二十名守兵九十二名乾隆十三年因八仙
石等五汛弁兵移駐南塘共餘有馬戰兵五名歸
該汛管轄左營守備駐劄於此

以上自老鹽倉起至九里橋止石塘地方係杭
州府西海防同知管轄

念里亭汛 自念里亭起至父家廟止計程二十二
里係石塘長二千六百六十四丈四尺七寸又土

備塘長二千七百丈二尺駐劄千總一員外委把
總二員有馬戰兵六名無馬戰兵一十四名守兵
七十名乾隆十三年移駐南塘所轄工程歸尖山
汛經管

尖山汛 自旻家廟起至談山嶺止計程二十七里
內石塘長一百七十丈九尺柴塘長四百六十一
丈一尺共長六百三十二丈又土備塘長七百丈
外石壩二百丈駐劄把總一員外委千總一員有
馬戰兵五名無馬戰兵一十四名守兵七十名乾

隆十三年因念里亭汛弁兵移駐南塘餘外委把總一名歸該汛協防操作

以上自九里橋起至談山嶺止石塘柴塘地方係杭州府東海同知管轄

激浦汛 自談山嶺起至二寨止計程二十八里係石塘長一千二百二十八丈五尺又土備塘長五千八十丈五尺駐劄把總一員外委把總一員有馬戰兵三名無馬戰兵一十名守兵四十八名
海鹽汛 自二寨起至行素菴止計程三十九里係

石塘長二千四百四十五丈又土備塘長四千九百四十九丈又舊陳圩土隄長四百五十五丈駐劄千總一員外委千總一員有馬戰兵三名無馬戰兵一十二名守兵六十六名

平湖汛 自行素菴起至江南金山縣交界止計程五十里內石塘長二千八丈九尺土塘長四千三百一十一丈二尺又土備塘長一千五十九丈駐劄把總一員外委把總一員有馬戰兵三名無馬戰兵一十名守兵四十四名乾隆十三年因八仙

石等五汛弁兵移駐南塘共餘無馮戰兵五名守
兵一十名統歸該汛管轄

以上自談山嶺起至金山縣交界止石塘土塘
地方係嘉興府乍浦海防同知管轄

以上六汛係海防左營守備汛地

右營移駐南塘分防汛地

龕山汛 自蕭山縣西興關起至航塢山西瓜瀝止
計程六十里內石塘長三百九十五丈土塘長五
千五百九十七丈六尺共長五千九百九十二丈

六尺駐劄把總一員外委千總一員有馬戰兵一名無馬戰兵五名守兵四十八名

大林汛 自蕭山縣航塢山西瓜瀝起至山陰縣夾棚止計程四十里內蕭邑石塘長八百三十三丈山邑石塘長二千七百二十丈土塘長一千七十一丈共長四千六百二十四丈駐劄千總一員外委千總一員有馬戰兵一名無馬戰兵五名守兵四十八名

三江汛 自山陰縣夾棚起至會稽縣宋家樓宣港

止計程三十五里內山邑石塘長一千四百二十
二丈土塘長一千六百五十三丈會邑土塘長七
百四十九丈共長三千八百二十四丈又宋家淩
土塘之內添築土塘一十六丈駐劄把總一員外
委把總二員有馬戰兵四名無馬戰兵十二名守
兵六十八名右營守備移駐於此

徐家堰汛 自會稽縣宣港起至小金止計程三十
五里內石塘長一千五百二十五丈三尺土塘長
二千三百五十八丈四尺共長三千八百八十三

丈七尺駐劄千總一員外委把總一員有馬戰兵一名無馬戰兵五名守兵四十八名

梁項汛自會稽縣小金起至曹娥江文昌閣止計程三十五里內石塘長一千二百四十一丈七尺八土塘長二千六百八十五丈五尺共長三千九百三十七丈二尺駐劄把總一員外委千總一員有馬戰兵一名無馬戰兵五名守兵四十八名

以上自蕭山縣西興關起至會稽縣曹娥江文昌閣止石塘土塘地方係紹興府水利通判管

轄

駐劄河莊山 外委把總一名守兵一十五名

營堡間數

海防右營

八仙石汛 宣家埠把總住房六間兵丁營房五十
七間乾隆十三年裁

下新廟外委住房三間兵丁營房一十五間乾隆
十三年歸翁家埠汛管轄

八仙石下新廟彭家埠永樑橋四處堡房四間乾

隆十三年歸翁家埠汛管轄

章家菴汛 章家菴千總住房八間外委住房三間
兵丁營房一百一十三間乾隆十三年裁

萬家閘後土備塘營房三間乾隆十三年歸翁家
埠汛管轄

宣家埠雙潭橋章家菴三處堡房三間乾隆十三
年歸翁家埠汛管轄

翁家埠汛 翁家埠把總住房六間外委住房三間
兵丁營房一百六十二間其原建守備衙署二十

一間外委住房三間兵丁營房三十間乾隆十三年裁

凌家壩後土備塘營房三間

潮神廟翁家埠凌家壩三處堡房三間

觀音堂汛 觀音堂把總住房六間兵丁營房九十間乾隆十三年裁

曹將軍殿外委住房三間兵丁營房二十二間乾隆十三年歸老鹽倉汛管轄

觀音堂後土備塘營房三間乾隆十三年歸老鹽

倉汛管轄

華家街曹將軍殿觀音堂三處堡房三間乾隆十三年歸老鹽倉汛管轄

老鹽倉汛 老鹽倉千總住房八間兵丁營房一百

三間乾隆十三年添移建馬牧港營房一間

馬牧港外委住房三間兵丁營房二十三間內營

住房二十五間乾隆十三年裁營房一間乾隆十

三年移建者鹽倉

鎮海菴後土備塘營房三間

西關帝廟老鹽倉鎮海菴戴家石橋四處堡房四間

靖海汛 秧田廟把總住房六間外委營房三間兵丁營房九十九間內營房八間乾隆十三年裁又內營住房一十八間乾隆十三年歸鎮海汛管轄教場外委住房三間兵丁營房二十四間內營住房一十間乾隆十三年裁止存營房一十七間歸鎮海汛管轄秧田廟後土備塘營房三間乾隆十三年歸鎮海汛管轄

秧田廟黃泥港鎮海廟堡房三間乾隆十三年歸
鎮海汛管轄

海防左營

鎮海汛 教場守備衙署二十二間把總住房六間
外委住房三間兵丁營房一百七十一間

陳文港西外委住房三間兵丁營房三十間內營
住房一十八間乾隆十三年裁止存外委住房三
間兵丁營房九間

九里橋後土備塘營房三間

南門外大石橋五里亭九里橋賣魚橋小墳前鄭家街七處堡房七間

念里亭汛 念里亭千總住房八間兵丁營房九十六間內營住房七十六間乾隆十三年裁止存外委住房三間兵丁營房二十五間歸尖山汛管轄新倉前外委住房三間兵丁營房一十五間乾隆十三年歸尖山汛管轄

撥轉廟外委住房三間兵丁營房一十五間乾隆十三年裁

念里亭後土備塘營房三間乾隆十三年歸尖山汛管轄

念里亭東章家坂普濟菴五條圩梁家墩掇轉廟陳家塢七處堡房七間乾隆十三年歸尖山汛管轄

尖山汛 石墩司城把總住房六間兵丁營房一百一十一間乾隆十三年將營房二十二間移建平湖汛

黃灣外委住房三間兵丁營房一十五間乾隆十

三年裁

父家廟後土備塘營房三間

父山廟尖山李家廟葛家橋葛家嶺談山嶺六處
堡房六間

澈浦汛 巡檢司城把總住房六間兵丁營房七十
二間澈浦東門內外委住房三間兵丁營房一十
五間

臺山寨總寨黃泥寨圩丁义塘三澗寨二寨六處
堡房六間

海鹽汛 鹽邑東門外千總住房八間兵丁營房百二間

白馬廟外委住房三間兵丁營房一十五間

頭寨鮑家橋定海觀音堂新涼亭檀樹墳白馬廟麥庄涇行素菴八處堡房八間

平湖汛 乍關鎖鑰把總住房六間兵丁營房六十九間乾隆十三年又添移建尖山汛營房二十二間

獨山司城外委住房三間兵丁營房一十二間

教場南乍關鎖鑰天后宮梁庄城獨山司城茅竹
寨六處堡房六間

右營移駐南塘

龕山汛 龕山把總住房六間兵丁營房六十六間
西興外委住房三間兵丁營房一十五間

牛塢蕩錢家塘富家塔轉塘頭新林閘新發王後
龕山塘西瓜瀝八處每處堡房三間共堡房二十
四間

大林汛 大林千總住房八間兵丁營房六十六間

夾棚外委住房三間兵丁營房一十五間

三祇菴後渡廟龜山寨西永福菴三官殿東大林
西潘家橋夾竈八處每處堡房三間共堡房二十
四間

三江汛 三江城守備衙署二十二間把總住房六
間兵丁營房九十六間

童家塔外委住房三間兵丁營房一十五間

宋家淩外委住房三間兵丁營房一十五間

夾棚東寺直河迴龍殿西丁家堰巡司領三江城

西塘灣橋真武殿八處每處堡房二間共堡房二十四間

徐家堰汛 徐家堰千總住房八間兵丁營房六十六間

宣港外委住房三間兵丁營房一十五間

栢樹墳大團宣港鎮塘殿東桑盆張神殿西四株
槐樹下偈浦車家坡八處每處堡房三間共堡房二十四間

梁項汛 梁項把總住房六間兵丁營房六十六間

曹娥江外委住房三間兵丁營房一十五間
枯株塘如意菴瀝水賀盤塘角中項塘白米堰文
昌閣八處每處堡房三間共堡房二十四間